

):(2^r

Vorrede.

Dem Gftren^z
 gen/ Edlen vnd Vesten
 Caſpar Gottfriedt von Bom^z
 mersheim/ Gan Erben vnnd Regi^z
 ments Junckern zu Lindtheim/ 7c.
 Meinem großgünftigen lieben
 Junckern.

ES wirdt
 zweiffels ohne/
 E. V. erften
 Anblick etwas
 frembd fürkom^z
 men/ daß E. V. ich vielleicht
 vnerkandt/ durch dieſes Büch^z
 lein/ ſo zwar hiebevorn/ an jetzo
 aber mercklich vermehret/ auß^z
)(ij gan^z

):(2^v

Vorrede.

gangen/ erfuche/ vnd daffelbige
 E. V. dediciren thue/ Jch bin
 aber deren guten Hoffnung/ E.
 V. mir diefe meine wolmeinen-
 de affection nicht verargen/
 fondern nach dero difcretion
 zum beften verftehen vnd auff
 nehmen werde/ Vnd was denn
 nun fürters die Hauptfachen/
 fo in diefem Büchlein zwar
 kurtz/ aber neruofe verhandelt
 werden/ belanget/ hier von fum-
 mariter in etwas zu difcurrirē/
 So ift erflich gewiß vnd vnwi-
 derfprechlich/ das die Zerftö-
 rung Hierufalems/ vnnd Vn-
 dergang deß Jüdifchen Volcks/
 Reichs/ vnd Prierterthumbs/
 ein augenfcheinlich auch aller
 fchrecklichft Zeichen ift Gött-
 lichts

):(3^r

Vorrede.

lichts grawfamften 3orns/ vber
 die Sünde/ deßgleichen weder
 die Schrifft/ noch Weltliche Hi-
 storien haben/ Denn ob wol die
 Sündtflut den gantzen Erdtbo-
 dem mit allem so lebendigen O-
 dem darauff gehabt/ erfäufft
 hat/ ift doch Gott hernach mals
 wider gnädig gewest/ seinen se-
 gen an den Creaturen Himli-
 fchen vnd Jrrdifchen nicht auff-
 gegeben/ fonder viel mehr erne-
 wert vnd beftetiget/ das weder
 Tag noch Nacht/ Hitz vnd Kält
 auffgehört/ vnd die Erde wider
 jhre Fruchte bracht/ Menfchen
 vnnd Thier fich wider gereget
 vnd gemehret/ das der viel wor-
 wen/ vnnd die Welt zeitlich
 wider befetzt vnnd erfüllet/

Gene. 7.

Gene. 5.

Gene. 9.

):(ij wie

):(3^v

Vorrede.

Gen. 19. wie es noch heutigs tags gehet.
Sodoma vnd Gomorra find
auch schrecklicher vnd grawfa
mer weiße vom Himmel durchs
Feyer verderbet vnd vndergan
gen/ das auff diesen Tag nichts
da ist denn ein Schwefelicher
Sumpff oder See/ so nichts le
bendiges tragen noch in sich ley
den mag/ denn daher auch das
rote Meer genennet wirdt/ mit
einem gantz vnfruchtbar nicht
tigen Boden vnd Gegent vmb
her/ aller Welt ein Ewig Exem
pel der Bußfertigkeit vnd forcht
Gottes zu geben vnd für zuftel
len/ noch ist folches plötzlich vnd
im huy zergangen/ vnd deß
jammers zeitlich damit ein En
de gewelt.

Alfo

):(4^r

Vorrede.

Alfo findt auch Troia/ Thebe/
 be/ Babylon/ sampt andern
 mächtigen Stätten/ Landen
 vnd Leuten/ wol jämmerlich zer
 ftört worden/ das auch weder
 ftumpff noch ftiel von jhnen für
 handen/ doch ift in keiner folch
 Jammer vnd Noth jemals er
 fahren/ denn der Krieg mit Hie
 rufalem fich nicht in einem oder
 zweyen jaren verlauffen/ Son
 der fechs gantzer jahr aneinan
 der gewähret/ da fie mit den
 vier grewlichften Plagen betret
 ten gewefen/ die da feyn mögen/
 als von auffen mit krieg von den
 feinden/ von jñen aber mit auff
 ruhr der Meuchelmörder vn̄ an
 derer Buben/ vnder jnen felbft/
 Zum dritten mit Hunger vnd
)(iij Theu

):(4^v

Vorrede.

Theurung/ vnd letztlich mit Pe=

 ftilentz vnnd Sterben/ das es

 auch jhr eigen Feinde erbarmet

 hat/ denn fie jhr eigen Kinder

 vor eufferfter Hungers noth/

 vnd andere Ding gefreffen/ das

 abfchewlich/ auch gleich vn=

 gläublich/ vnd doch allzu war

 ift/ biß endlich die Statt ero=

 bert/ gewonnen/ vnd alfo zer=

 fchleyffet/ das wie Chriftus ge=

 fagt/ nicht ein Stein auff dem

 andern/ fonderlich dem Tem=

 pel/ blieben/ vnd nunmalhs ei=

 ner in dem jetzigen Hierufalem

 wol mitten ftehen/ vnnd doch

 Hierufalem forfchen vnd fragen

 möchte/ wo die Statt etwa ge=

 ftanden fey/ Darüber findt die

 Jüden in aller Welt von folcher

 Zeit

Mat. 2.

):(5^r

Vorrede.

zeit an also zerftrewet/ aller herrschafft/ Priefterthumbs/ Propheten/ Adels vnd anderer heiligkeit so beraubet/ das kein elender Volck auff Erden ist/ wissen darzu jres Elendes vnd Gefengniß kein Endt/ werden auch der hoffnung derer sie sich tröften/ das Landt in zukunfft deß Messias sie wider einzunemen/ den dritten Tempel zu bawen/ Priefterthumb vnd Königreich auff zu richten/ sampt der herrschafft vber jhre Feinde zubekommen/ nimmermehr gewähret werden/ Denn es wird wol/ wie Daniel vnd Chriftus gefagt/ Eine verwüftung bleiben biß ans ende. Warumb aber Gott solch Volck so hart vnd langwurig ttrafft/

Dan. 9.
Luc. 21.

):(v gibt

):(5^v

Vorrede.

gibt vns der K niglich Prophet
Dauid kl rlich zuuerfthen/ da
er in feinem 59. Pfalmliedt alfo
fingt/ Gott erzeiget mir reich-
lich feine G te/ Gott left mich
meine luft fehen an meinen Fein-
den/ Erw rge fie nicht/ da 
es mein Volck nicht vergeffe/
zurftreuwe fie aber mit deiner
Macht/ 7c. Den gantzen Pfalm
mit feinen Summarien mag
man wol behertzigen/ Nemlich
damit fo lang die Welt ftehe/
Jederman an diefem Volck ler-
nen fol/ da  er fich h te f r ver-
achtung GOTTes vnnd feines
heiligen Wortes/ fampt deffel-
ben Prediger vnd H rer/ denn
es ift gewi  kein fchwerere noch
gr ffere S nde/ die baldt auff
dem

):(6^r

Vorrede.

dem Fuß mit sich bringt die end-
lich ftraff/ vnd dem Faß den bo-
den außtößt/ Es möcht nit vn-
billich einē zwar wundern/ das
GOTT so gewlich zürnen kan/
Aber dagegen ist nicht weniger
wunder/ auch erschrecklich/ das
die Welt so stockblind/ böshafft
vnd GOTT wiederpenftig sein
kan/ vnd den Segen nit wil/ fo
muß sie den Fluch han/ vnd er in
jr inwendiges gehen als öle/ wie
an den Jüden scheinet/ das sie
nichts denn fluchen vnd leftern
können wider Chriftum/ Es hat
aber GOTT der HERR auß sol-
chem zerftreuweten Volck der
Juden/ in der Welt etliche laffen
vberig bleiben/ vns zu einem le-
bendigen spiegel vnd warnung/
Nemlich

Pfal. 109.

):(6^v

Vorede.

Nemlich nach dē er feiner Blut=
 freuntſchafft/ feines außer=
 welten Volcks/ vnd kleinen Pa=
 radeiß Jerufalems/ nicht ver=
 ſchont/ daß er freylich viel weni=
 ger ſchonen werde aller verfol=
 gung vnd verachtung feines hei=
 ligen Worts/ es geſchehe von
 deß Antichrifts/ oder dem fal=
 ſchen Euangelifchen theil/ wie
 genug geſchicht.

Jofephus

Eben vmb dieſer vrfach wil=
 len/ hat Gott auch wunderlich
 in folchem Krieg vnd Lerma er=
 halten den Hochberühmbten
 Mann Jofephum auß Prieſter=
 lichem Stamm/ der ein Haupt=
 man in dieſem Krieg gewefen/
 von anfang mit vnd bey/ alles
 entweder ſelb geſehen/ erfahren/
 oder

):(7^r

Vorrede.

oder von den Römern vnnd Jüden
 den gleubwürdigen Leuten erforschet
 vnd gehört/ daß er folche Hiftori
 hat müffen beschreiben vnd der
 Welt zum Zeugniß vnd Spiegel
 hinder sich lassen/ das jederman
 in Gottes forcht/ demuth/ vnd
 gehorfam lebe/ sich weder auff
 ehr/ Reichthumb/ gewaldt/ weißheit/
 eigen frömmigkeit vnd heiligkeit/
 Gottes dienft/ noch Chriften Namen
 verlasse/ sich deß rühmen oder
 darauff zu trotzen/ als hab er
 Gott gefangen vnd möge jm nit
 fehlen/ Denn also theten die
 Juden/ schrien vñ rühmeten jmer/
 hie ist der Tempel deß HERRN/
 hie ist der Tempel deß HERRN/
 vnnd wir führen den Krieg deß
 HERRN

Jer. 7.

):(7^v

Vorrede.

HERRN/ vnd ftreiten für fein
 Heiligthumb/ auch opfferten/
 fchrien vnd betten fie täglich zu
 Gott die gantze zeit der belage-
 rung/ vnd meineten je/ Es wür-
 de nicht Noth haben/ Gott kün-
 de jhr vnd jres Gottesdienftes
 nicht geraten/ vnd müfte ja helf-
 fen/ ja gerieten in folche torheit/
 daß fie keinē Fride noch Kriegs-
 vertrag annehmen wolten/ fon-
 der erwürgeten fich ehe felbft/
 vnd fprachen/ wenn fie nit mehr
 haben oder opffern könnten/ wür-
 de Gott jhre Seelen zum fünffen
 Geruch vnnd Opfer auffnem-
 men/ Also kan der Sathan die
 Menfchen bezeubern/ wo man
 auff fich felbft/ vnnd nicht auff
 Gott gelaffen ftehet. Gott wil
 weder

):(8^r

Vorrede.

weder geehret noch angebetet
werden/ auch nicht erhören/
denn allein in Chrifto vnd durch
Chriftum/ Weil fie nun den
Sohn nicht geküßet haben/ hat
der HERR fo gewlich vber fie
gezürnet/ fie verderbet vnd deß
rechten Weges fehlen laffen/ deß
alles ift Jofephus ein berümbter
vnnd gewiffer Zeug mit feiner
Hiftori/ das es alfo ergangen/
vnd Gott fie geftrafft vnnd ver-
derbet hab/ ob er wol/ als alle
verftockte Jüden/ folche Sünde
als die vrfach nicht erkandt/
Sonder andere fürwendet/ ge-
nüget vns an der Hiftori/ denn
der vrfach findt wir auß Got-
tes Wort gewiß.

Pfal. 2.

Nach dem aber Jofephus fol-

):(8^v

Vorrede.

chen handel gantz reichlich in 7.
 Büchern befchrieben/ vnd doch
 nit jedermans gelegenheit weit
 leufftige Hiftorien zu haben/
 keuffen oder lefen/ vnnd doch
 nichts nützers noch nöthigers
 fein kan nach GOTTes Wort/
 da in allerley Hiftorien lefen
 vnd erkennen oder wiffen/ fon-
 derlich dieferley/ als die auff
 Gottes Wort weyfen/ vnd dem
 anhengig fein/ Darauß man
 fpüren vnnd greiffen mag/ wie
 GOtt warhaftig ift in feinem
 wort/ ob demfelben allzeit helt/
 vnnd an keinem feilen left/ fo er
 darin guts verheift/ oder böfes
 dreuwet/ es kompt warlich vnd
 gefchicht alles.

[...] fich demnach fundē vor-

zeiten/

)(:)(1^r

Vorrede.

zeiten/ ein ander fleißiger Jüdi-
 fcher Man/ genannt Jofippus/
 welcher auß Jofepho jetzt ge-
 meldt/ in eine kurtze Summam
 verfaßt hat/ die gantze Hiftori
 der Jüden/ von den Macca-
 been an/ biß zur endtlichen zer-
 ftörung Jerufalems/ vnnd fol-
 ches/ wie er genugfam zeugniß
 hat/ gantz trewlich/ Als hab ich
 denfelben wie er hiebeuor ins
 Teutfch gebracht fromen Hauß
 vättern/ vnd andern guthertzi-
 gen Leuten zu gutem auffnem-
 men/ widerumb in Truck ver-
 fertigt.

So ich dann nun/ Großgün-
 ftiger lieber Juncker/ weiß vnnd
 gewiß bin/ daß in diefem kleinen
 Büchlein/ auffß kürtzest run-

)(() deft

)(:)(1^v

Vorrede.

deft vnnd artigt verfaßt vnd be-
grieffen/ alles fo fonft weitleuff-
tig im Lateinifchen oder auch
Hebreifchen Iosepho ftehet/ fo
wol auch was in anderen Be-
währten Gefchichtfchreibern/
die von Jüdifchen mehrertheils
vnfeligen Händeln respectiue
gefchrieben/ gefunden wirdt/
Vnnd wer jhm folches gemein
vnnd leufftig macht/ von allein
zimlichen vnd guten bericht ge-
ben kan/ fo viel diefen Handel
belangt/ Hab ich folches vnter
E. V. E. Namen/ in Druck fer-
tigen vnd außgehen laffen wöl-
len/ Als der ich fpüre/ Nach
dem GOTT das gnadereiche
Wort/ Teutfcher Nation vor

ändern

)(:)(2^r

Vorrede.

andern/ fo reichlich geben vnnd
 verliehen/ Das leyder die ver-
 achtung deffelben/ bey mennig-
 lichen an allen orten mehr vber-
 handt nimpt/ dann die Liebe/
 folches zu ehren vnnd beför-
 dern/ forg auch es möcht vns
 heut vnnd morgen gelingen als
 den Jüden/ Das wir Leibliche
 vnd Geiftliche ftraff leiden vnnd
 erfahren müffen/ als an Landt
 vnnd Leuthen/ Ehr vnd Gut/
 vnnd darüber mit Finfterniß
 falcher Lehr vnnd GOTTes-
 dienft/ fo arg als etwan in vo-
 rigen zeiten jhe/ So wolt ich
 gern hiemit/ fo viel an mir ift/
 aller Welt vrfach geben/ lie ver-
 manen vnd reitzen/ den thewren

)(:)(ij Schatz

)(:)(2^v

Vorrede.

Schatz deß Euangelions hertz^z
lich zu lieben/ vnnd die gnedige
Vätterliche Heimfuchung nicht
zuuerfchlaffen/ fonder helfen
mit beten/ vnd Rathen/ Leh^z
ren/ Straffen/ jeder in feinem
Stande vnnd Ampt nach al^z
lem vermögen/ daß folch Liecht
bey vns vnnd vnfern Nachkom^z
men bleiben/ viel vnnd wirti^z
ge frucht bringen/ der Zorn
Gottes/ vnnd die andere vn^z
gnedige ſchwere Raach vnnd
Heimfuchung vorkommen/
vnnd abgewendet werden mö^z
chte/ Dagegen mit Glück vnnd
Segen vom HERREN/ im
Geiftlichen/ Weltlichen/ auch
Heußlichen Regiment/ begna^z
det

)(:)(3^r

Vorrede.

det zu werden/ welches gewiß-
lich geschehen/ wie GOtt selbst
in feinem Wort verheiffen/ vnd
zugefagt/ wo es vns nur ein
ernft/ wir Tag vnnd Nacht vns
darumb annemmen/ vnnd vn-
ser Leben darnach richten wol-
ten/ Es solte auch folche ware
Lieb/ andere Schwachheit vnd ge-
brechen/ gnediglich decken vnnd
beschönen/ Wil also E. V. mit
diesem Büchlein dienftlich ver-
ehret haben/ mit fleißiger bitt/
les gütlichen anzunehmen/ vnd
an so ringem Büchlein kein miß-
fallen zu tragen/ mehr das Hertz
vnd Willen zu achten/ dann das
Geschenck/ gewißlich dafür hal-
tendt/ wo E. V. ich in eim meh-

)(:)(ij rern

)(:)(3^v

Vorrede.

rern dienen k̄nte/ fo zu nutz/ ge
 deien/ ehr vnnd rhum derfelben
 gereichen m̄chte/ wolt ich alle
 zeit willig erfunden werden/
 W̄nfch auch/ GOTT w̄lle
 E. V. mit feinem heiligen Geift
 begnaden vnnd leyten/ das fie
 dem gefampten Regiment alfo
 vorfeyn m̄gen/ daß ja der wa
 re Gottesdienft vor allem ge
 f̄rdert/ nachmals auch gemei
 ner nutz vnnd wolfart ernftlich
 betrachtet werde/ vnd wol zuge
 he in allem. Hiemit E. V. in
 den gnedigen Schutz deß All
 mechtigen zu langwiriger/ gl̄ck
 feliger Leibs vnnd der Seelen
 Gefundtheit/ Heil vnnd Wol
 fart/ vnd mich in dero empfindt
 liche

)(:)(4^r

Vorrede.

liche Gunften dienftlich empfâh
lend. Datum Franckfurt den 6.
Januarij dieses angehenden
GGott verleihe aller feits glück
felig) newen 1613. Jahrs.

E. Str. V.

Bereitwilliger

Johann Bringer/ Bür
ger vnd Buchtrucker
zu Franckfurt.

)((iij Dem

)(:)(4^v

Dem Gottfeligen Lefer
wüñfchet der Autor Glück
vnd alle Seligkeit.

CHRiftlicher Lefer vnd
geliebter Bruder im Her
ren/ weil diefer Jofippus
im Ebreifchen/ wie er
auch ins Latein verſetzt
ift/ vom anfang biß zu ende feiner Hi-
ſtorien/ jimmerdar eine einige vnuer-
brochene aneinander hangende rede
führet/ vnd mich gedaucht/ es würde
dem Deutfchen Mann vngewönlich/
vnd in die leng verdrießlich fein/ So
hab ichs gewaget/ vnnd die Hiftori in
drey theil oder ftück getheilet/ vnnd fer-
ner jedes theil in feine fondere Capitel/
mit jren Summarien vnd kurtzen ver-
zeichniſſen/ nach arth vnd weiß Deut-
ſcher Chronicken vnd Hiftorien/ weil
ich hierin allein dem Deutfchen Man
hab

)(:)(5^r

An den Lefer.

hab dienen wöllen/ nach dem ich jhms
am fűglichftē zu feyn geachtet hab/ vnd
ift doch der Hiftori darduch vmb ein
Haar breit nicht abbruch gefchehen.

3um andern fo hab ich gemeinig^z
lich die eigenen oder Tauffnamen der
Fűrften vnd Herrn/ oder anderer Per^z
fonen/ deren in diefer Hiftori gedacht
wirdt/ gefetzt/ also wie fie im Lateini^z
ſchen Joſepho funden/ vnnnd fonft bey
den Latinis gebraucht werden/ Nach
dem ich gemeint/ das es am bequem^z
ften were/ weil Joſippus darinn etwas
enderung helt/ Als Pompeium nennet
er Pampium/ 7c.

3um dritten/ nimpt er auch etlich
mahl/ in denen Fűrtlichen Perfonen/
fo eines Namens vnnnd Herrſchafften
gewefen/ Als den Ptolemeis/ Antio^z
chis/ einen fűr den andern vmb kűrtze
willen.

3um vierdten/ redet er auch bißwei^z
len anderft/ von den Rűmiſchen Hi^z
ftorien/ denn die Latiner/ als von Ju^z
lio Cæfare/ Jtem Auguſto vnd Caſ^z
ſio/ 7c. Entweder das fie die Rűmiſchen

)(:)(v Hifto^z

)(:)(5^v

An den Lefer.

Hiftorien nicht genug erforschet vnd
gelesen/ oder vielleicht gerne bißwei-
len nach jhrer Sprachen/ Arth vnnd
Landsbrauch/ von andern Völkern
geredt vnd gehalten/ ift anders bißwei-
len nicht auch ein Frevel mit vnderge-
lauffen/ auß jhrer Superftition vnd
Hoffart/ daß sie nicht haben allweg
mit andern gleich einstimmen wöllen/
deñ Art left von Art nicht/ mehr wil ich
nicht fagen/ Deß hab ich dich freundt-
licher Lefer göttlich wöllen erinnern/
auff daß/ wenn du folches lesen wirst
dichs nicht laffest jrren/ der Hiftorien
desto geringern Beyfall/ oder glauben
zugeben/ Man muß einen gantzen
schönen gefunden Leib/ vmb eines oder
zweyen Blätterlein oder Schwärlein
willen/ nicht hinwerffen/ also auch hie/
weil er in der gantzē Hauptfach/ durch
vnd durch gerade vnd richtig zugehet/
muß man in so kleinem jhm auch seine
weiß lassen vnnd was zu gut halten/
sonst müfte man Josephum selbst vnd
andere berühmte Leut viel mehr ver-
werffen vnd tadeln.

Von

)(:)(6^r

An den Lefer.

Von dem HErrn Jefu Chrifto.

Weil Jofippus/ wie vor gemelt/ das herrlich zeugniß von Chrifto mit ftillſchweigen vbergeht/ damit nun die Hiftori auch dißfahls keinen mangel habe/ hat mirs gefallen die Wort Jofephi wie fie lauten/ dem Chriften Mañ zu gut hieher zuſetzen/ das er fie auch wiſſen möge.

Nemlich am 17. Buch feiner Antiquitet/ als er von Pilato gefagt/ wie vnd wann er zum Ampt der Landpflegerey in Judea kommen/ was er auch den Jüden/ von feines Keyfers wegen für Plag angelegt/ ſpricht er am 6. capitel ferner alfo.

Hegesip.
lib. 2. c. 12.
& in Ana-
kepha-
læofi.

Zu diefen zeitten hat gelebet Jefus/ ein weifer Mann/ darff man jhn anderft alfo heiffen/ denn er war ein Mañ von groffen Wunderthaten/ vñ ein Lehrer deren Menſchen die gerne die warheit hören/ deß gewann er einen groffen Anhang/ beyde von Jüden/ vnd auch den Heydē/ Diefer war der Meffias. Vnd ob jhn wol Pilatus/ auß anklagūg der Oberften vnfers volcks/
ans

)(:)(6^v

An den Lefer.

ans Creutz zuſchlagen verurtheilet/
 dennoch fielen die ſo jhn anfänglich
 geliebet/ mit nichten von jm abe/ dann
 er iſt jnen am dritten Tage widerumb
 lebendig erfchienen/ Nach dem die hei-
 ligen Propheten auß Göttlicher ein-
 gebung/ diß vnd andere vnzeliehe wun-
 derzeichen/ ſo er thun würde/ vorhin
 längft geweiffaget hatten/ ja es bleibet
 noch auff dieſen heutigen Tag/ der
 Chriſten Name vnd Volck/ alfo wie ſie
 von jhm genennet vnd herkoſen findt.
 So viel ſagt Joſephus von Chriſto.

Auch hab ich hieher ſetzen wöllen/
 die Namen der Monaten/ wie ſie auff
 Ebreiſch heißen/ vnd mit den Lateini-
 ſchen vnd deutſchen zum theil vberein-
 ſtimmen/ alles dem Lefer zu gut vnnd
 richtigem verſtandt der Hiſtorien/ auß
 dem Adamo Kybero/ 7c.

Adar.

)(:)(7^r

An den Lefer.

Adar.		Martio	Mertzen.
Nifan oder Abib.		Aprili	Aprillen.
Jiar.		Maio	Meyen.
Siuan.		Junio	Brachmonden.
Thamus	Stimt	Julio	Hewmonden.
Ab.	faft vber	Augufto	Auguftmonden.
Elul.	ein mit	Septembri	Herbftmonden.
Thisri.	dem	Octobri	Weinmonden.
Marheshuan.		Nouembri	Wintermon.
Cisleu		Decembri	Chriftmon.
Tebet.		Januario	Jenner.
Sebat.		Februario	Hornung.

Nun zur Hiftorien.

Das